

gern bequemet, wie wir uns versehen, die nechste zu Brunnen gehaltene Conferenz [von UR, SZ, OW, ZG und Abtei St. Gallen]<sup>1</sup> von ouch auch nit were usgeschlagen worden. Insonderlicher Ursachen es dann zemahlen eben auch so wol umb General als particular wäsen zethuon gewesen. Hetten nun nichts desto weniger wir uns nochmalen resolviert gehabt ouch über angeregte iüwere beruoffung ze willfahren, weilen aber der bey uns entzwichendt ynfallendte grosse gewalt [= Landsgemeinde] umb seinen ungwüssen entschlusses willen, hieran die gelegenheit solcher willfahr uns hinnimbt. Als wöllen Jr unser G.L.A.E. uns wegen unsers usbleibens, entschuldiget undt aber beinebens ouch versicheret halten, dass wir seyen ouch in allen möglichsten occasionen bereitwillig ... ze Correspondieren".

1) s. EA V 2, 1193 (Nr. 944), spez. 1193/94 a

Kopie, gleiche Hand wie AH 47/13 - AH 47, 88 - Blatt 88<sup>V</sup> leer

## 36

1641 April 6., Solothurn

A

SCHREIBEN [DES FRANZ. AMBASSADOREN JACQUES] LE FEVRE DE CAUMARTIN [AN DIE ZU LUZERN VERSAMMELTEN TAGSATZUNGSGESANDTEN DER KATH. ORTE]

EA V 2, 1196 b

"Weil ich diser versammlung, welche ihr in ... Lucern haltent verstendiget worden, uff derselben iüwere sonderbare geschafft zu deliberieren undt entschliessen, So thuon ich dis gegenwertige schreiben an ouch, In nammen des ... Königs [L u d w i g s XIII.] ... ouch zu begrüessen, undt der beharrung undt Continuation seiner affection gegen ouch zu versichern, undt gleich wie Jr Mayestet die Pündtnus, welche zwischen irer Cron undt ouch ist, für sehr lieb undt wärth haltet. Also versieht sy sich hingegen das ihr iüwerseits in allen occasionen ihro werdent zu erkennen geben, dass ouch dieselbige nit minder angelegen seye, undt Jro gleiche Zeügkhussen iüwer affection, wie Jr hievor nach dem Exempel iüwer altvordern geben. Darum ich ouch ... hiemit bitte zu glauben, dass wo ich ouch wirt dienen khönnen, Jch solches ganz angelegenlich wie ir selbs erwünschen möchtent, thuon wirdt".

Uebersetzung aus dem Französischen, gleiche Hand wie AH 47/13  
AH 47, 89 - Blatt 89<sup>V</sup> leer